



Broj:10-33-33084-10/23

Datum: 21.12.2023.godine

Na osnovu člana 13. Zakona o zdravstvenoj zaštiti („Službene novine Federacije BiH“, br. 46/10 i 75/13), i provedenog javnog poziva za dodjelu neuromodulacijskih odijela za osobe oboljele od multiple skleroze i cerebralne paralize sa područja Kantona Sarajevo u 2023.godini, broj 10-33-33084-9/23 , od dana 12.12.2023. godine Ministar zdravstva Kantona Sarajevo donosi sljedeću,

O D L U K U

o dodjeli neuromodulacijskih odijela za osobe oboljele od multiple skleroze i cerebralne paralize sa područja Kantona Sarajevo u 2023.godini po osnovu provedenog Javnog poziva

I

Ovom Odlukom utvrđuje se konačna lista kandidata za dodjelu neuromodulacijskih odijela za osobe oboljele od multiple skleroze i cerebralne paralize sa područja Kantona Sarajevo u 2023.godini i to kako slijedi:

1. Eldin Laletović
2. Selma Avdić
3. Martinović Branko

II

Ministarstvo zdravstva Kantona Sarajevo će zaključiti pojedinačne Ugovore o dodjeli neuromodulacijskih odijela za osobe oboljele od multiple skleroze i cerebralne paralize sa područja Kantona Sarajevo u 2023.godini sa odabranim kandidatima iz tačke 1 ove Odluke.

Ugovori iz stava II ove tačke će sadržavati odredbe kojom će se utvrditi sve pojedinosti u vezi korištenja neuromodulacijskih odijela od strane korisnika.

III

Odabrani kandidati iz tačke I ove Odluke dužni su se pridržavati, svih odredbi koje će biti definisane Ugovorom između ovog organa i svakog kandidata pojedinačno.

IV

Ova odluka stupa na snagu danom donošenja , a objavit će se na web stranici Ministarstva zdravstva Kantona Sarajevo.

O b r a z l o ž e n j e

Ministarstvo zdravstva Kantona Sarajevo je raspisalo javni poziv za dodjelu neuromodulacijskih odijela za osobe oboljele od multiple skleroze i cerebralne paralize sa područja Kantona Sarajevo u 2023.godini, objavljenog dana 12.12.2023. godine na web stranici Ministarstva zdravstva Kantona Sarajevo.

U skladu sa zakonom o javnim nabavkama izvršena je nabavka neuromodulacijskih odijela za osobe oboljele od multiple skleroze i cerebralne paralize sa područja Kantona Sarajevo u 2023.godini, te su ista finansirana sredstvima obezbijđenim u Budžetu Kantona Sarajevo, na razdjelu Ministarstva zdravstva Kantona Sarajevo - Prevencija, očuvanje i unapređenje zdravlja stanovništva Kantona Sarajevo. Komisija za pregled i rangiranje pristiglih zahtjeva imenovana Rješenjem ministra zdravstva Kantona Sarajevo broj: 10-33-33084-8/23, od 17.10.2023. godine je pristupila otvaranju i pregledanju svih pristiglih prijava pojedinačno, kao i medicinskom pregledu svih prijavljenih kandidata po navedenom javnom pozivu.

Nakon provedene kompletne procedure, komisija je predložila Ministru zdravstva Kantona Sarajevo da se naprijed navedenim kandidatima izvrši dodjela neuromodulacijskih odijela za osobe oboljele od multiple skleroze i cerebralne paralize sa područja Kantona Sarajevo u 2023.godini a u skladu sa kriterijima iz javnog poziva i na osnovu zdravstvenog stanja odnosno dijagnoze kandidata.

Shodno naprijed navedenim odlučeno je kao u dispozitivu ove Odluke.

Pouka o pravnom lijeku: Protiv ove odluke nije dopuštena žalba, ali se može pokrenuti upravni spor pred Kantonalnim sudom u Sarajevu u roku od 30 dana od dana objave ove odluke.


MINISTAR
Mr sci. dr med. Enis Hasanović